

زوجة الصحفي المعتقل "محمد البطاوي": لا نستطيع الطعن على قرارات تجديد حبسه منذ 277 يومًا



السبت 19 مارس 2016 08:03 م

استنكرت ربيعة الصفتي، زوجة محمد البطاوي، الصحفي بجريدة أخبار اليوم، المعتقل بسجون الانقلاب، عدم إمكانهم الطعن أو تقديم استئنافات على قرارات تجديد حبسه، منذ 277 يومًا

وقالت في تدوينه عبر حسابه الشخصي بموقع التواصل الاجتماعي "فيس بوك": "القاضي أو المستشار أو وكيل النيابة أو الكائن اللي بينزل أمامه المعتقلين في عروض النيابة والجلسات بعد ما بيخلص ويسمع المحامين والمعتقلين - ده لو حصل يعني نادرًا لما يحصل- ببيجي الدور عليه أنه يتكلم ويقول القرار في آخر الجلسة"

وأضافت: "هل هو تجديد حبس أم إخلاء سبيل سواء بكفالة أو غرامة أو على ذمة قضية أو تدابير احترازية، لكن للأسف لسانه يعلق والسوست بتاعته بتقف عن الكلام، وإيده بتتشل عن الكتابة، ويمشي ويسيب المحامين والمعتقلين في حيرة من أمرهم، طبقًا للمعتقلين كده كده بيرحلوهم ثاني على السجون، ومعالیه بيروح بيته ويأنتخ في سريره، والمحامين يتمرمطوا في النيابة من ثاني يوم علشان يعرفوا القرار غير المعروف لأحد".

وأكدت: "ممكن تنتظر علشان تعرف القرار بشكل رسمي 4 أو 5 أيام أو أسبوع .. على حسب مزاج القاضي اللي سوست لسانه علقت وإيده اتشلت ومشي من غير ما حد يعرف القرار، يعني مثلاً محمد البطاوي كان عنده جلسة مفاجئة يوم الإثنين الماضي، لكن إلى الآن مفيش حد يعرف القرار بشكل رسمي، القرار متعلقش على الباب، كل القرارات اللي بيعرفها المحامين لغاية دلوقتي بتكون بشكل شفهي أو توقعات أو بيقولوا لسه مفيش قرار"

وواصلت: "وبالتالي أنت مش هتعرف تقدم طعن على القرار أو تقدم طلب للاستئناف على القرار لأنه غير معروف، وبالمنااسبة محمد بقاله 9 شهور، وإلى الآن مش عارفين نقدم استئناف، الورق بيتهم رفضه من البداية يعني لا يتم قبوله أصلاً اللهم إلا بلاغات للمحامي العام بيقدمها المحامي أو نقابة الصحفيين ولا يتم النظر إليها أيضًا، محمد البطاوي معتقل منذ 277 يومًا لم نستطع خلالها الطعن أو تقديم استئنافات على أي قرارات صدرت بتجديد حبسه حتى الآن، وبيعاني من حساسية بسبب سوء التهوية ولم يتم نفيه لأي مشفى حتى الآن".

وكانت قوات أمن الانقلاب قد اعتقلت على محمد البطاوي فجر 17 يونيو 2015 من منزله الكائن بمدينة طوخ ولم يُستدل على مكانه لمدة 4 أيام قبل أن يظهر في سجن استئناف طرة وإحالاته للمحاكمة بتهمة الانتماء لجماعة الإخوان المسلمين